

REGLUGERÐ

um breyting á reglugerð um þvingunaraðgerðir varðandi Guineu, nr. 277/2015, með síðari breytingum.

1. gr.

Þvingunaraðgerðir.

Eftirfarandi töluliðir skulu bætast við 2. gr. reglugerðarinnar, í rétttri númeraröð:

- 1.5 Ákvörðun ráðsins (SSUÖ) 2018/1611 frá 25. október 2018 um breytingu á ákvörðun 2010/638/SSUÖ um þvingunaraðgerðir gegn Lýðveldinu Guineu, sbr. fylgiskjal 1.5.
- 1.6 Ákvörðun ráðsins (SSUÖ) 2019/1790 frá 24. október 2019 um breytingu á ákvörðun 2010/638/SSUÖ um þvingunaraðgerðir gegn Lýðveldinu Guineu, sbr. fylgiskjal 1.6.
- 1.7 Ákvörðun ráðsins (SSUÖ) 2020/1556 frá 23. október 2020 um breytingu á ákvörðun 2010/638/SSUÖ um þvingunaraðgerðir gegn Lýðveldinu Guineu, sbr. fylgiskjal 1.7.
- 2.3 Framkvæmdarreglugerð ráðsins (ESB) 2018/1604 frá 25. október 2018 um framkvæmd reglugerðar (ESB) nr. 1284/2009 um vissar þvingunaraðgerðir varðandi Lýðveldið Guineu, sbr. fylgiskjal 2.3.
- 2.4 Reglugerð ráðsins (ESB) 2019/1778 frá 24. október 2019 um breytingu á reglugerð (ESB) nr. 1284/2009 um vissar þvingunaraðgerðir varðandi Lýðveldið Guineu, sbr. fylgiskjal 2.4.

2. mgr. 2. gr. reglugerðarinnar orðast svo: Listar yfir aðila, hluti, tækni eða annað viðfang þvingunaraðgerða, sem vísað er til í framangreindum gerðum, eru birtir á vef öryggisráðs Sameinuðu þjóðanna eða Stjórnartíðinda Evrópusambandsins, eftir því sem við á. Síðari breytingar og uppfærslur listanna öðlast sjálfkrafa gildi við birtingu á þeim vefjum, sbr. 3. mgr. 4. gr. laga um framkvæmd alþjóðlegra þvingunaraðgerða, nr. 93/2008.

2. gr.

Gildistaka o.fl.

Reglugerð þessi, sem er sett með heimild í 4. og 12. gr. laga um framkvæmd alþjóðlegra þvingunaraðgerða nr. 93/2008, öðlast þegar gildi.

Utanríkisráðuneytinu, 5. febrúar 2021.

Guðlaugur Þór Þórðarson.

Martín Eyjólfsson.

Fylgiskjal 1.5.

ÁKVÖRDUN RÁÐSINS (SSUÖ) 2018/1611
frá 25. október 2018
um breytingu á ákvörðun 2010/638/SSUÖ
um þvingunaraðgerðir gegn Lýðveldinu Guineu

Viðauka við ákvörðun 2018/1611/SSUÖ skal breytt í samræmi við viðaukann við reglugerð þessa. (Efnisútdráttur)

VIÐAUKI

[Viðaukinn er birtur á vef Stjórnartíðinda ESB: <http://data.europa.eu/eli/dec/2018/1611/oj>.

Listar yfir aðila, hluti, tækni eða annað viðfang þvingunaraðgerða, eru birtir á vef Stjórnartíðinda Evrópusambandsins. Síðari breytingar og uppfærslur listanna öðlast sjálfkrafa gildi við birtingu á þeim vef, sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.

Vefur Stjórnartíðinda Evrópusambandsins er hér: <http://eurlex.europa.eu>.

Heildarlisti yfir aðila sem eru háðir frystingu fjármuna er hér:

https://ec.europa.eu/info/business-economy-euro/banking-and-finance/international-relations/restrictive-measures-sanctions_en#list.

Fylgiskjal 1.6.

ÁKVÖRDUN RÁÐSINS (SSUÖ) 2019/1790
frá 24. október 2019
um breytingu á ákvörðun 2010/638/SSUÖ
um þvingunaraðgerðir gegn Lýðveldinu Gíneu

RÁÐ EVRÓPUSAMBANDSINS HEFUR,

með hliðsjón af sáttmálanum um Evrópusambandið, einkum 29. gr.,

með hliðsjón af tillögu frá æðsta fulltrúa Sambandsins í utanríkis- og öryggismálum,

og að teknu tilliti til eftirfarandi:

- 1) Hinn 25. október 2010 samþykkti ráðið ákvörðun 2010/638/SSUÖ ⁽¹⁾ um þvingunaraðgerðir gegn Lýðveldinu Gíneu.
- 2) Framlengja ætti fyrrnefndar þvingunaraðgerðir til 27. október 2020 á grundvelli endurskoðunar ákvörðunar 2010/638/SSUÖ.
- 3) Bæta ætti ákvæði við ákvörðun 2010/638/SSUÖ þar sem tilgreint er að ráðið og æðsti fulltrúinn megi vinna persónuupplýsingar til að geta sinnt verkefnum sínum samkvæmt þeirri ákvörðun.
- 4) Því ætti að breyta ákvörðun 2010/638/SSUÖ til samræmis við það.

SAMÞYKKT ÁKVÖRDUN ÞESSA:

1. gr.

Eftirfarandi breytingar eru hér með gerðar á ákvörðun 2010/638/SSUÖ:

- 1) Eftirfarandi grein bætist við:

„5. gr. a

1. Ráðið og æðsti fulltrúi Sambandsins í utanríkis- og öryggismálum („æðsti fulltrúinn“) mega vinna persónuupplýsingar til að geta sinnt verkefnum sínum samkvæmt þessari ákvörðun, nánar tiltekið:

- a) að því er varðar ráðið, vegna undirbúnings og breytinga á viðaukanum,
- b) að því er varðar æðsta fulltrúann, vegna undirbúnings breytinga á viðaukanum.

2. Ráðinu og æðsta fulltrúanum er, eftir atvikum, heimilt að vinna viðeigandi upplýsingar sem varða refsiverð brot, framín af skráðum einstaklingum, sakfellingar slíkra einstaklinga í refsímálum eða öryggisráðstafanir sem varða þá, að því marki sem slík vinnsla er nauðsynleg vegna undirbúnings viðaukans.

3. Að því er varðar þessa ákvörðun eru ráðið og æðsti fulltrúinn tilgreind sem „ábyrgðaraðilar“ í skilningi 8. liðar 3. gr. reglugerðar Evrópuþingsins og ráðsins (ESB) 2018/1725 ⁽¹⁾, til að tryggja að viðkomandi einstaklingar geti neytt réttar síns samkvæmt reglugerð (ESB) 2018/1725.

⁽¹⁾ Reglugerð Evrópuþingsins og ráðsins (ESB) 2018/1725 frá 23. október 2018 um vernd einstaklinga í tengslum við vinnslu stofnana, aðila, skrifstofa og sérstofnana Sambandsins á persónuupplýsingum og um frjálsa miðlun slíkra upplýsinga og um niðurfellingu reglugerðar (EB) nr. 45/2001 og ákvörðunar nr. 1247/2002/EB (Stjtíð. ESB L 295, 21.11.2018, bls. 39).“

2) Í stað 2. mgr. 8. gr. kemur eftirfarandi:

„2. Ákvörðun þessi gildir til 27. október 2020. Hún skal vera til stöðugar endurskoðunar. Hana skal framlengja eða henni breyta, eftir atvikum, telji ráðið að markmiðum hennar hafi ekki verið náð.

2. gr.

Ákvörðun þessi öðlast gildi daginn eftir að hún birtist í *Stjórnartíðindum Evrópusambandsins*.

Gjört í Brussel 24. október 2019.

Fyrir hönd ráðsins,

forseti.

A.-K. PEKONEN

⁽¹⁾ Ákvörðun ráðsins 2010/638/SSUÖ frá 25. október 2010 um þvingunaraðgerðir gegn Lýðveldinu Gíneu (Stjtíð. ESB L 280, 26.10.2010, bls. 10).

Fylgiskjal 1.7.

ÁKVÖRDUN RÁÐSINS (SSUÖ) 2020/1556

frá 23. október 2020

um breytingu á ákvörðun 2010/638/SSUÖ um þvingunaraðgerðir gegn Lýðveldinu Gíneu

Í stað 2. mgr. 8. gr. ákvörðunar 2010/638/SSUÖ komi eftirfarandi:

Þessi ákvörðun skal gilda til 27. október 2021. Ákvörðun þessi skal vera til stöðugar endurskoðunar og hana skal framlengja eða henni breyta, eftir því sem við á, telji ráðið að markmiðum hennar hafi ekki verið náð. (efnisútdráttur).

Fylgiskjal 2.3.

FRAMKVÆMDARREGLUGERÐ RÁÐSINS (ESB) 2018/1604

frá 25. október 2018

**um framkvæmd ákvörðunar (ESB) nr. 1284/2009
um vissar þvingunaraðgerðir varðandi Lýðveldið Guineu**

II. viðauka við reglugerð (EB) nr. 1284/2009 er hér með breytt eins og kemur fram í viðauka við ákvörðun þessa. (Efnisútdráttur).

VÍÐAUKI

[Viðaukinn er birtur á vef Stjórnartíðinda ESB: http://data.europa.eu/eli/reg_impl/2018/1604/oj.

Listar yfir aðila, hluti, tækni eða annað viðfang þvingunaraðgerða, eru birtir á vef Stjórnartíðinda Evrópusambandsins. Síðari breytingar og uppfærslur listanna öðlast sjálfkrafa gildi við birtingu á þeim vef, sbr. 3. mgr. 4. gr. laga um framkvæmd alþjóðlegra þvingunaraðgerða nr. 93/2008.

Vefur Stjórnartíðinda Evrópusambandsins er hér: <http://eurlex.europa.eu>.

Heildarlisti yfir aðila sem eru háðir frýstingu fjármuna er hér:

https://ec.europa.eu/info/business-economy-euro/banking-and-finance/international-relations/restrictive-measures-sanctions_en#list.

Fylgiskjal 2.4.

REGLUGERÐ RÁÐSINS (ESB) 2019/1778
frá 24. október 2019
um breytingu á reglugerð (ESB) nr. 1284/2009
um vissar þvingunaraðgerðir varðandi Lýðveldið Guineu

RÁÐ EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins, einkum 215. gr.,

með hliðsjón af ákvörðun ráðsins 2010/638/SSUÖ frá 25. október 2010 um þvingunaraðgerðir gegn Lýðveldinu Gíneu ⁽¹⁾,

með hliðsjón af sameiginlegri tillögu frá æðsta fulltrúa Sambandsins í utanríkis- og öryggismálum og framkvæmdastjórn Evrópusambandsins,

og að teknu tilliti til eftirfarandi:

- 1) Með reglugerð ráðsins (ESB) nr. 1284/2009 ⁽²⁾ taka nokkrar þvingunaraðgerðir gildi sem kveðið er á um í ákvörðun 2010/638/SSHÖ.
- 2) Hinn 24. október 2019 samþykkti ráðið ákvörðun (SSUÖ) 2019/1790 ⁽³⁾, sem breytti ákvörðun 2010/638/SSUÖ með því að setja fram grein um vinnslu ráðsins og æðsta fulltrúans á persónuupplýsingum.
- 3) Vegna framkvæmdar reglugerðar (ESB) nr. 1284/2009 og til að tryggja sem mesta réttarvissu innan Sambandsins ætti að birta nöfn og aðrar viðeigandi upplýsingar um þá einstaklinga, lögaðila, rekstrareiningar og stofnanir sem fjármunir og efnahagslegur auður er frystur hjá samkvæmt þeirri reglugerð. Hvers konar vinnsla persónuupplýsinga verður að vera í samræmi við reglugerðir Evrópuþingsins og ráðsins (ESB) 2016/679 ⁽⁴⁾ og (ESB) 2018/1725 ⁽⁵⁾.
- 4) Því ætti að breyta reglugerð (ESB) nr. 1284/2009 til samræmis við það.

SAMÞYKKT REGLUGERÐ ÞESSA:

I. gr.

Eftirfarandi grein bætist við í reglugerð (ESB) nr. 1284/2009:

„16. gr. a

1. Ráðið, framkvæmdastjórnin og æðsti fulltrúi Sambandsins í utanríkis- og öryggismálum („æðsti fulltrúinn“) mega vinna persónuupplýsingar til að geta sinnt verkefnum sínum samkvæmt þessari reglugerð. Verkefnið eru:

- a) að því er varðar ráðið, að undirbúa og gera breytingar á I. viðauka,
- b) að því er varðar æðsta fulltrúann, að undirbúa breytingar á I. viðauka,
- c) að því er varðar framkvæmdastjórnina:
 - i. að bæta efni I. viðauka í rafrænu samsteyptu skrána yfir aðila, hópa og rekstrareiningar sem sæta fjárhagslegum þvingunaraðgerðum Sambandsins og á gagnvirka kortið yfir refsiaðgerðir Sambandsins, sem bæði eru aðgengileg almenningi,
 - ii. að vinna upplýsingar um áhrif aðgerða sem gripið er til samkvæmt þessari reglugerð, s.s. um verðmæti frystra fjármuna og upplýsingar um heimildir sem lögbær stjórnvöld hafa veitt.

2. Ráðinu, framkvæmdastjórninni og æðsta fulltrúanum er, eftir atvikum, heimilt að vinna viðeigandi upplýsingar sem varða refsiverð brot, framin af skráðum einstaklingum, sakfellingar slíkra einstaklinga í refsismálum eða öryggisráðstafanir sem varða þá, að því marki sem slík vinnsla er nauðsynleg vegna undirbúnings I. viðauka.

3. Að því er varðar þessa reglugerð eru ráðið, þjónustudeild framkvæmdastjórnarinnar, sem er á skrá í II viðauka við þessa reglugerð, og æðsti fulltrúinn tilgreind sem „ábyrgðaraðilar“ í skilningi 8. liðar 3. gr. reglugerðar (ESB) 2018/1725, til að tryggja að viðkomandi einstaklingar geti neytt réttar síns samkvæmt reglugerð (ESB) 2018/1725.“

2. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Lúxemborg 24. október 2019.

Fyrir hönd ráðsins,

forseti.

A.-K. PEKONEN

(¹) Stjtið. ESB L 280, 26.10.2010, bls. 10.

(²) Reglugerð ráðsins (ESB) nr. 1284/2009 frá 22. desember 2009 um vissar þvingunaraðgerðir varðandi Lýðveldið Gíneu (Stjtið. ESB L 346, 23.12.2009, bls. 26).

(³) Ákvörðun ráðsins (SSUÖ) 2019/1790 frá 24. október 2019 um breytingu á ákvörðun 2010/638/SSUÖ um þvingunaraðgerðir gegn Lýðveldinu Gíneu (Stjtið. ESB L 272, 25.10.2019, bls. 153).

(⁴) Reglugerð Evrópuþingsins og ráðsins (ESB) 2016/679 frá 27. apríl 2016 um vernd einstaklinga í tengslum við vinnslu persónuupplýsinga og um frjálsa miðlun slíkra upplýsinga og niðurfellingu tilskipunar 95/46/EB (almenna persónuverndar-reglugerðin) (Stjtið. ESB L 119, 4.5.2016, bls. 1).

(⁵) Reglugerð Evrópuþingsins og ráðsins (ESB) 2018/1725 frá 23. október 2018 um vernd einstaklinga í tengslum við vinnslu stofnana, aðila, skrifstofa og sérstofnana Sambandsins á persónuupplýsingum og um frjálsa miðlun slíkra upplýsinga og um niðurfellingu reglugerðar (EB) nr. 45/2001 og ákvörðunar nr. 1247/2002/EB (Stjtið. ESB L 295, 21.11.2018, bls. 39).